

Broj: 01/1-\_\_\_/19  
Kakanj, \_\_\_\_ . \_\_\_\_ .2019. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06, 51/09) i člana 24. Statuta Općine Kakanj („Službene novine Općine Kakanj“, broj: 4/08), a u vezi sa članom 53. Odluke o izvršavanju Budžeta Općine Kakanj za 2019. godinu, broj: 01/1-25-369/18 od 31.12.2018. godine („Službene novine Općine Kakanj“, broj: 01/19), Općinsko vijeće na \_\_. sjednici, održanoj dana \_\_. \_\_.2019. godine, u s v o j i l o j e

## **P R O G R A M**

### **UTROŠKA SREDSTAVA IZ BUDŽETA OPĆINE KAKANJ ZA PODSTICAJ RAZVOJA PODUZETNIŠTVA I OBRTA ZA 2019. GODINU**

#### **1. Podaci o Programu**

Program utroška sredstava iz Budžeta Općine Kakanj za podsticaj razvoja poduzetništva i obrta za 2019. godinu sa kriterijima raspodjele temelji se na odobrenim sredstvima za ovu namjenu u Budžetu Općine Kakanj za 2019. godinu sa pozicija „Subvencije za podsticaj razvoja poduzetništva i obrta-Program OV-a“, Naknade iz Programa „Subvencije za podsticaj razvoja poduzetništva i obrta“ i Ostale usluge iz Programa „Subvencije za podsticaj razvoja poduzetništva i obrta“ (u daljem tekstu: Program), a shodno Zakonu o izdvajanju i usmjeravanju dijela prihoda preduzeća ostvarenim radom termoelektrana (Službene novine FBiH, broj: 80/14).

#### **2. Period realizacije Programa**

Sredstva namijenjena za podsticaj razvoja poduzetništva i obrta na području općine Kakanj realizovaće se u periodu od 01.01. - 31.12.2019. godine.

#### **3. Raspoloživi iznos sredstava**

429.000,00 (četiristotinedvadesetdevethiljada) KM.

#### **4. Namjena Programa**

- 4.1. Refundacija troškova osnivanja obrtničkih (osnovno zanimanje), trgovačkih i ugostiteljskih radnji i dijela troškova osnivanja preduzeća – d.o.o. u 2019. godini;
- 4.2. Projekat „Pokreni svoj posao u Kakanju“;
- 4.3. Sufinansiranje troškova nabavke novih mašina i druge opreme u cilju proširenja poslovanja i povećanja broja zaposlenih;
- 4.4. Sufinansiranje troškova zapošljavanja u skladu sa potrebama poduzetnika i obrtnika sa područja općine Kakanj;

- 4.5. Regresiranje kamata po kreditima odobrenim u komercijalnim bankama u 2019. godini za poduzetnike i obrtnike sa područja općine Kakanj (osim za trgovine i ugostiteljstvo);
- 4.6. Sufinansiranje samozapošljavanja i zapošljavanja osoba sa invaliditetom kroz:
  - I Refundaciju troškova obaveznih doprinosa i nabavke opreme;
  - II Refundaciju troškova zakupa poslovnog prostora i sufinansiranje nabavke repromaterijala;
- 4.7. Sufinansiranje projekta „Ekonomsko osnaživanje žena kroz obuku krojenja, šivanja i tkanja.
- 4.8. Finansiranje rada udruženja „Razvojni centar Općine Kakanj“;
- 4.9. Pобољшanje kvaliteta praktične nastave u Mješovitoj srednjoj školi Kakanj;
- 4.10. Učešće na sajmovima i promocija razvoja poduzetništva i obrta (transferi);
- 4.11. Ugovorene obaveze prema korisnicima podsticajnih sredstava iz 2018. godine;
- 4.12. Naknade iz Programa „Subvencije za podsticaj razvoja poduzetništva i obrta“ (ugovori o djelu);
- 4.13. Ostale usluge iz Programa „Subvencije za podsticaj razvoja poduzetništva i obrta“(fakture);
- 4.14. Rezervna sredstva.

## **5. Korisnici Programa**

Obrtničke radnje u osnovnom zanimanju, trgovačke i ugostiteljske radnje i preduzeća – d.o.o., registrovana na području općine Kakanj, nezaposlene osobe sa područja općine Kakanj, lica sa invaliditetom, udruženje žena Općine Kakanj (UŽOK), udruženje „Razvojni centar Općine Kakanj“ i Mješovita srednja škola Kakanj.

## **6. Izvor sredstava**

Budžet Općine Kakanj za 2019. godinu, pozicija „Subvencije za podsticaj razvoja poduzetništva i obrta – Program OV-a, ekonomski kod: 614500, Naknade iz Programa „Subvencije za podsticaj razvoja poduzetništva i obrta“ i Ostale usluge iz Programa „Subvencije za podsticaj razvoja poduzetništva i obrta“ ekonomski kod 613900 („Službene novine Općine Kakanj“, broj: 01/19).

## **UVODNI DIO**

Programom utroška sredstava iz Budžeta Općine Kakanj za podsticaj razvoja poduzetništva i obrta za 2019. godinu, Općina Kakanj nastoji:

- razviti poduzetničku svijest među mladim osobama,
- povećati broj i održivost obrtničkih radnji i preduzeća - d.o.o.,
- povećati broj zaposlenih na području općine Kakanj.

U skladu sa Zakonom o podsticaju razvoja male privrede („Službene novine Federacije BiH“ broj: 19/06 i 25/09) kojim se uređuje planiranje, osiguranje sredstava i provedba mjera razvoja male privrede u Federaciji BiH, omogućeno je da lokalne zajednice mogu u svojim Budžetima izdvojiti finansijska sredstva za podsticaje. Na osnovu toga u Budžetu Općine Kakanj za 2019. godinu odobren je iznos od 429.000,00 KM za podsticaj razvoja poduzetništva i obrta.

## I VRSTE I NAČIN OSTVARIVANJA PODSTICAJA

R/b	Naziv podsticaja	Planirana sredstva / KM
1.	Refundacija troškova osnivanja obrtničkih (osnovno zanimanje), trgovačkih i ugostiteljskih radnji i dijela troškova osnivanja preduzeća – d.o.o. u 2019. godini	34.000,00
2.	Projekat „Pokreni svoj posao u Kaknju“	70.000,00
3.	Sufinansiranje troškova nabavke novih mašina i druge opreme u cilju proširenja poslovanja i povećanja broja zaposlenih	50.000,00
4.	Sufinansiranje troškova zapošljavanja u skladu sa potrebama poduzetnika i obrtnika sa područja općine Kakanj	50.000,00
5.	Regresiranje kamata po kreditima odobrenim u komercijalnim bankama u 2019. godini za poduzetnike i obrtnike sa područja općine Kakanj (osim za trgovine i ugostiteljstvo)	12.000,00
6.	Sufinansiranje samozapošljavanja i zapošljavanje osoba sa invaliditetom kroz: I Refundaciju troškova obaveznih doprinosa i nabavke opreme II Refundaciju troškova zakupa poslovnog prostora i sufinansiranje nabavke repromaterijala	12.000,00
7.	Finansiranje rada udruženja „Razvojni centar Općine Kakanj“	35.000,00
8.	Sufinansiranje projekta „Ekonomsko osnaživanje žena kroz obuku krojenja, šivanja i tkanja“	12.000,00
9.	Poboljšanje kvaliteta praktične nastave u Mješovitoj srednjoj školi Kakanj	7.000,00
10.	Učešće na sajmovima i promocija razvoja poduzetništva i obrta	7.000,00
11.	Ugovorene obaveze prema korisnicima podsticajnih sredstava iz 2018. godine	105.000,00
12.	Naknade iz Programa „Subvencije za podsticaj razvoja poduzetništva i obrta“ (ugovori o djelu)	5.000,00
13.	Ostale usluge iz Programa „Subvencije za podsticaj razvoja poduzetništva i obrta (fakture)	20.000,00
14.	Rezervna sredstva	10.000,00
	<b>UKUPNO</b>	<b>429.000,00</b>

### **Refundacija troškova osnivanja obrtničkih (osnovno zanimanje), trgovačkih i ugostiteljskih radnji i dijela troškova osnivanja preduzeća – d.o.o. – 34.000,00 KM**

Na ovaj način refundiraju se troškovi osnivanja obrtničkih (osnovno zanimanje), trgovačkih i ugostiteljskih radnji i dio troškova osnivanja preduzeća – d.o.o.

Kroz ovaj podsticaj nastoji se povećati broj i održivost preduzeća/obrta na području općine Kakanj, doprinijeti razvoju poduzetničke svijesti, te povećati broj zaposlenih na području naše općine.

Pravo na podsticaj imaju fizička i pravna lica koja registruju djelatnost i osnuju firmu kao obrtničku u osnovnom zanimanju, trgovačku ili ugostiteljsku radnju ili kao društvo sa ograničenom odgovornošću – d.o.o. na području općine Kakanj u periodu od 17.12.2018. – 16.12. 2019. godine i nemaju obaveza po osnovu poreza i doprinosa. Za ostvarivanje podsticaja potrebno je uz zahtjev dostaviti i sljedeću dokumentaciju (originali ili ovjerene kopije):

- rješenje o registraciji društva sa ograničenom odgovornošću – d.o.o. (Općinski sud u Zenici), odnosno rješenje o registraciji obrtničke, trgovačke ili ugostiteljske radnje (Služba za privredu, urbanizam i zaštitu okoline Općine Kakanj);
- obavještenje o razvrstavanju djelatnosti prema Klasifikaciji djelatnosti;
- dokazi o plaćenim taksama i troškovima registracije djelatnosti odnosno osnivanja firme (uplatnice, računi i dr.)

Refundacija troškova osnivanja firme ne odnosi se na osnivački kapital, već na troškove notarske obrade dokumenata, sudske i administrativne takse, te izradu pečata firme.

Zahtjevi za refundaciju predmetnih troškova sa potrebnom dokumentacijom podnose se Službi za privredu, urbanizam i zaštitu okoline putem prijemne kancelarije Općine Kakanj do 16.12.2019. godine.

Refundacija troškova osnivanja trgovačkih i ugostiteljskih radnji može biti ostvarena jednom u toku 2019. godine za jedan poslovni prostor.

### **Projekat „Pokreni svoj posao u Kakanju“ - 70.000,00 KM**

Ovim podsticajem predviđeno je sufinansiranje pokretanja i održavanje malih biznisa – preduzeća – d.o.o., obrt i srodnih djelatnosti (osim poljoprivrede), pizzeria i slastičarnica, te apoteka i biroa koji pružaju stručne usluge. Korisnici ovog podsticaja su nezaposlene osobe sa područja općine Kakanj, koje se nalaze na evidenciji Biroa za zapošljavanje, a planiraju registrovati djelatnost, te fizička/pravna lica koja su registrovala djelatnost u 2019. godini.

Podsticajna sredstva namijenjena su za:

- refundaciju troškova obaveznih doprinosa – PIO, zdravstveno osiguranje i osiguranje od nezaposlenosti, za registrovanu djelatnost - period od 24 mjeseca (prva godina u iznosu od 100%, a maksimalno 366,00 KM/mjesec, druga godina 50%, a maksimalno 183,00 KM/mjesec);

- sufinansiranje troškova pokretanja registrovane djelatnosti (nabavka mašina, opreme i repromaterijala neophodnog za registrovanu djelatnost) u iznosu do 3.000,00 KM,

Projekat obuhvaća sljedeće aktivnosti:

- objavljivanje Javnog poziva;
- apliciranje zainteresiranih kandidata;
- razmatranje i obrada pristiglih prijava (odabir);
- registracija djelatnosti (lica koja nisu registrovala djelatnost);
- potpisivanje Ugovora o realizaciji Projekta sa odabranim korisnicima;
- isplata odobrenog iznosa sredstava za sufinansiranje troškova pokretanja i održavanja vlastitog biznisa;
- monitoring.

Za ostvarivanje predmetnih podsticaja kandidati su uz prijavu na Javni poziv dužni dostaviti sljedeću dokumentaciju:

- uvjerenje da se lice nalazi na evidenciji Biroa za zapošljavanje Općine Kakanj/rješenje o registraciji djelatnosti (društva sa ograničenom odgovornošću – d.o.o.);
- obavještenje o razvrstavanju djelatnosti prema Klasifikaciji djelatnosti (ukoliko je firma registrovana);
- biznis plan;
- ovjerenu izjavu da će nakon odobravanja podsticajnih sredstava, registrovanu djelatnost održavati u trajanju od najmanje 24 mjeseca od dana potpisivanja ugovora o realizaciji projekta „Pokreni svoj posao u Kaknju“.

Projekat će se realizovati tokom godine do utroška sredstava.

Komisija će nakon pristiglih prijava obaviti intervju sa prijavljenim kandidatima, ocijeniti iste i sačiniti rang listu prema broju ostvarenih bodova. Odabrani kandidati će nakon što registruju djelatnost (za lica koja nisu registrovana) potpisati ugovor sa Općinom.

Nakon potpisivanja ugovora o realizaciji Projekta, dostavljanja predračuna za nabavku sredstava i ovjerene izjave da će podsticajna sredstva namjenski utrošiti, Općina će na račun korisnika podsticaja uplatiti odobreni iznos za nabavku sredstava za rad, dok će korisnik sredstava biti obavezan u roku od mjesec dana od dana isplate u Službu za privredu, urbanizam i zaštitu okoline dostaviti račun (faktura uz fiskalni račun). Troškovi obaveznih doprinosa će se uplaćivati mjesečno.

### **Sufinansiranje troškova nabavke novih mašina i druge opreme u cilju proširenja poslovanja i povećanja broja zaposlenih – 50.000,00 KM**

Sufinansiranjem troškova nabavke novih mašina i druge opreme nastoji se pružiti podrška registrovanim poduzetnicima i obrtnicima sa područja općine Kakanj, a u svrhu razvoja poduzetničke inicijative, povećanja kvaliteta proizvodnje, proširenja poslovanja i povećanja broja zaposlenih.

Pravo učešća u Javnom pozivu imaju registrovana pravna i fizička lica (osnovno zanimanje) osim trgovine, ugostiteljstva i poljoprivrede, koji redovno izmiruju obaveze po osnovu poreza i doprinosa i čiji godišnji promet ne prelazi 100.000,00 KM, a mašine i drugu opremu su nabavili u 2019. godini.

Podsticajna sredstva iznose 50% od vrijednosti nabavke, a maksimalan iznos podsticaja je do 5.000,00 KM.

Zainteresovani uz prijavu na Javni poziv dostavljaju sljedeću dokumentaciju (original ili ovjerene kopije):

- zahtjev;
- kratak opis budućih poslovnih aktivnosti;
- rješenje o registraciji društva sa ograničenom odgovornošću – d.o.o. (Općinski sud u Zenici), odnosno rješenje o registraciji obrtničke djelatnosti (Služba za privredu, urbanizam i zaštitu okoline Općine Kakanj);
- obavještenje o razvrstavanju djelatnosti prema Klasifikaciji djelatnosti;
- bilans stanja i bilans uspjeha za 2018 godinu/finansijski izvještaj za 2018 godinu – GPD 1051 i SPR 1053 obrazac;
- račun za nabavku mašine ili druge opreme iz 2019. godine;
- obrazac JS3100 za prijavljene novouposlene radnike.

Projekat će biti realiziran tokom godine do utroška sredstava.

Prednost pri odobravanju podsticajnih sredstava imaju poslovni subjekti koji su u tekućoj godini u cilju proširenja svojih poslovnih aktivnosti zaposlili novog radnika i u prethodnim godinama nisu koristili podsticajna sredstva namijenjena za ovaj Projekat.

### **Sufinansiranje zapošljavanja u skladu sa potrebama poduzetnika i obrtnika sa područja općine Kakanj – 50.000,00 KM**

Ovom vrstom podsticaja omogućava se zapošljavanje nezaposlenih osoba, bez obzira na radno iskustvo i starosnu dob, u trajanju od 12 mjeseci.

Korisnici predmetnog podsticaja su poduzetnici i obrtnici (osim trgovine i ugostiteljstva) registrovani na području općine Kakanj, koji redovno izmiruju obaveze po osnovu poreza i doprinosa i koji su u tekućoj godini zaposlili nove radnike ili imaju potrebu za zapošljavanjem istih.

Na ovaj način nastoji se povećati zaposlenost na području općine Kakanj, te pružiti podrška poslodavcima u obezbjeđenju potrebne radne snage.

Općina Kakanj će sufinansirati bruto plaću u iznosu 50% minimalne bruto plaće FBiH, a maksimalno do 325,00 KM/mjesečno u trajanju od 12 (dvanaest) mjeseci, a poslodavac 50%. U skladu sa svojim finansijskim mogućnostima poslodavac može isplaćivati i veći iznos od iznosa utvrđenog ovim Programom.

Poslovnom subjektu se po Programu mogu odobriti podsticajna sredstva za zapošljavanje 1 (jedne) osobe. Ukoliko se na Javni poziv ne prijavi dovoljan broj poslovnih subjekata, prijavljenim subjektima se može odobriti podsticajna sredstva namijenjena za zapošljavanje više od 1 (jedne) osobe.

Za ostvarivanje podsticaja potrebno je uz zahtjev dostaviti i sljedeću dokumentaciju (originali ili ovjerene kopije):

- rješenje o registraciji društva sa ograničenom odgovornošću – d.o.o. (Općinski sud u Zenici), odnosno rješenje o registraciji obrtničke djelatnosti (Služba za privredu, urbanizam i zaštitu okoline Općine Kakanj);
- obavještenje o razvrstavanju djelatnosti prema Klasifikaciji djelatnosti
- obrazac JS3100 za prijavljene novouposlene radnike;
- broj tekućeg računa kod poslovne banke;
- ovjerenu izjavu:
  - da neće (ponovo) zaposliti osobu koju je otpustio u prethodna tri mjeseca;
  - da će zadržati postojeći broj radnika uvećan za broj primljenih radnika u narednih 12 mjeseci.

Projekat će biti realiziran tokom godine do utroška sredstava.

Prednost pri odobravanju podsticajnih sredstava imaju poslovni subjekti koji u prethodnim godinama nisu koristili podsticajna sredstva namijenjena za ovaj Projekat.

### **Regresiranje kamata po kreditima odobrenim u komercijalnim bankama u 2019. godini za poduzetnike i obrtnike sa područja općine Kakanj (osim za trgovine i ugostiteljstvo) – 12.000,00 KM**

Na ovaj način se regresiraju kamate po kreditima odobrenim u komercijalnim bankama u 2019. godini za poduzetnike i obrtnike sa područja općine Kakanj (osim za trgovine i ugostiteljstvo), i to isključivo za kredite korištene radi ulaganja u registrovanu djelatnost korisnika kredita.

Ovom vrstom podsticaja Općina Kakanj će regresirati uplaćene kamate po kreditima odobrenim u komercijalnim bankama. Za kredite od 5.000,00 KM – 50.000,00 KM Općina će refundirati kamate u iznosu 100%, a za kredite od 50.000,00 KM – 100.000,00 KM u iznosu 50% od ukupno uplaćenih kamata. Kamata se regresira na godišnjem nivou. Maksimalna nominalna kamatna stopa koja se regresira iznosi do 8%, a period otplate kredita je do 5 godina. Općina Kakanj se obavezuje da će korisniku podsticaja refundirati kamate za cijeli otplatni period, pojedinačno za svaku godinu na kraju kalendarske godine, po dostavljanju potvrde od banke o uplaćenim kamatama.

Za ostvarivanje predmetnih podsticaja potrebno je uz aplikaciju na Javni poziv dostaviti i sljedeću dokumentaciju (originali ili ovjerene kopije):

- rješenje o registraciji društva ili obrtničke radnje za postojeća - registrovana pravna i fizička lica;
- obavještenje o razvrstavanju pravnog lica prema Klasifikaciji djelatnosti;
- ugovor s bankom sa anuitetnim planom otplate kredita;
- potvrdu banke o redovnoj otplati kredita, sa obaveznim pregledom obračunatih i uplaćenih kamata za period za koji se regresira kamata;
- dokaz o utrošku kreditnih sredstava (kao dokaz se prihvata: račun, faktura, ugovor).

Zahtjevi za regresiranje kamata po kreditima odobrenim u komercijalnim bankama u 2019. godini sa potrebnom dokumentacijom podnose se Službi za privredu, urbanizam i zaštitu okoline na prijemnoj kancelariji Općine Kakanj, najkasnije do 13.12.2019. godine.

Sa ove pozicije će se refundirati i kamate poduzetnicima i obrtnicima sa područja općine Kakanj po kreditima odobrenim u komercijalnim bankama, a koji su ostvarili pravo na ovaj podsticaj u prethodnim godinama.

### **Sufinansiranje samozapošljavanja i zapošljavanja osoba za invaliditetom – 12.000,00 KM**

**I** Podsticajna sredstva za samozapošljavanje osoba za invaliditetom koji u 2019. godini pokrenu vlastiti biznis i registruju djelatnost namijenjena su za:

- sufinansiranje nabavke mašina, opreme i repromaterijala neophodnog za registrovanu djelatnost u maksimalnom iznosu do 3.000,00 KM;
- refundaciju troškova obaveznih doprinosa za registrovanu djelatnost za period od 24 mjeseca.

**II** Finansiranje zakupa poslovnog prostora i sufinansiranje nabavke repromaterijala firmama koje na području općine Kakanj imaju osnovane poslovne jedinice u kojima se upošljavaju osobe sa invaliditetom preko 50% invaliditeta sa područja općine Kakanj. Maksimalan iznos poticajnih sredstava namijenjenih za finansiranje zakupa poslovnog prostora je 320,00KM/mjesečno za jednog pravnog subjekta.

Podsticaj će se realizovati tokom godine do utroška sredstava.

Jedan aplikant može ostvariti pravo na dodjelu podsticajnih sredstva ili iz tačke I. ili tačke II. ove pozicije.

Sa ove pozicije isplatiće se podsticajna sredstva korisnicima koji su ostvarili prava na ista u 2018. godini.

### **Finansiranje rada udruženja „Razvojni centar Općine Kakanj“- 35.000,00 KM**

Odlukom Općinskog vijeća Kakanj broj: 01/1-23-298/18 od 30.10.2018. godine udruženje „Razvojni centar Općine Kakanj“ proglašeno je udruženjem od posebnog interesa za općinu Kakanj. U članu 2. Odluke navedeno je da će se troškovi uposlenika Udruženja kao i troškovi kancelarije finansirati iz Budžeta Općine Kakanj, odnosno Programa utroška sredstava za podsticaj razvoja poduzetništva i obrta.

Podsticajna sredstva sa ove pozicije namijenjena su za režijske, kancelarijske i druge troškove, te bruto plaću, topli obrok i regres zaposlenika.



### **Sufinansiranje projekta „Ekonomsko osnaživanje žena kroz obuku krojenja, šivanja i tkanja“ - 12.000,00 KM**

Projekat ekonomskog osnaživanja žena će se realizovati u saradnji sa Udruženjem žena općine Kakanj „UŽOK“ kroz obuku krojenja, šivanja i tkanja, a za isti će se angažovati kvalifikovani predavači za ovu oblast.

Podsticajna sredstva namijenjena su za obuku žena sa područja općine Kakanj, nabavku opreme i repromaterijala, te plaćanje troškova predavača/edukatora.

Na ovaj način Općina Kakanj nastoji pomoći nezaposlenim ženama sa područja općine Kakanj da pronađu način i povećaju sopstvene šanse za zapošljavanje i tako sebi osiguraju ekonomsku neovisnost.

Realizacija Projekta je planirana tokom godine u trajanju od 4 mjeseca.

Po okončanju obuke UŽOK će Općini Kakanj dostaviti izvještaj o utrošku sredstava.

### **Poboljšanje kvaliteta praktične nastave u Mješovitoj srednjoj školi Kakanj – 7.000,00 KM**

Podsticajna sredstva sa ove pozicije namijenjena su za sufinansiranje nabavke opreme i repromaterijala, i to u svrhu opremanja kabineta u kome se obavlja praktična nastava u Mješovitoj srednjoj školi Kakanj.

Na ovaj način Općina Kakanj nastoji podržati sistem stručnog obrazovanja učenika na području općine Kakanj koji treba da bude orijentisan na praksu. Opremanje kabineta bi trebalo poboljšati i olakšati izvođenje praktične nastave i učenici bi stekli potrebne vještine koje će moći primijeniti na svojim budućim radnim mjestima.

Projekat će se realizovati u saradnji sa Mješovitom srednjom školom Kakanj.

### **Učešće na sajmovima i promocija razvoja poduzetništva i obrta (transferi) – 7.000,00 KM**

Iz navedenih sredstava planiraju se finansirati sljedeći izdaci:

- sajmovi, promocija poduzetnika i obrtnika, obavještanje o podsticajima i sl.

### **Ugovorene obaveze prema korisnicima podsticajnih sredstava iz 2018. godine – 105.000,00 KM**

Shodno potpisanim ugovorima o realizaciji projekta „Pokreni svoj posao u Kakanju“ obaveza Općine je da korisnicima podsticajnih sredstava pored sufinansiranja nabavke sredstava za rad,

repromaterijala, opreme i sl., za registrovanu djelatnost, refundira i troškove obaveznih doprinosa za period 24 mjeseca - prva godina u iznosu od 100%, a maksimalno 350,00 KM/mjesec, druga godina 50%, a maksimalno 175 KM/mjesec. Stoga će se sa ove pozicije isplaćivati podsticajna sredstava za 32 korisnika sa kojim su potpisani ugovori u 2018. godini.

**Naknade iz Programa „Subvencije za podsticaj razvoja poduzetništva i obrta“ –ugovori o djelu – 5.000,00 KM**

Podsticajna sredstva su namijenjena za angažman edukatora, predavača i drugih stručnih lica u oblasti poduzetništva.

**Ostale usluge iz Programa „Subvencije za podsticaj razvoja poduzetništva i obrta“ – 20.000,00 KM**

Sa ove pozicija će se plaćati medijsko predstavljanje poduzetnika i obrtnika sa područja općine Kakanj i drugi slični troškovi za koje je naručilac Općina Kakanj (fakture).

**Rezervna sredstva – 10.000,00 KM**

Sredstva za hitne i nepredviđene aktivnosti u oblasti poduzetništva i obrta koje se pojave tokom budžetske godine, u skladu sa utvrđenim kriterijima ovog Programa.

Realizacija – do kraja decembra tekuće godine.

**Napomena:** Jedan aplikant može ostvariti pravo na podsticaj maksimalno za 2 pozicije. Prednost pri odabiru korisnika općinskih podsticajnih sredstava imaju oni podnosioci zahtjeva koji prethodnih godina nisu bili korisnici istog.

## II ZAVRŠNI DIO

Isplata podsticajnih sredstava će se obaviti na transakcijski račun korisnika istih, a otvoren kod poslovnih banaka.

Ukoliko planirani iznos sredstava za određenu vrstu podsticaja iz objektivnih razloga u cjelosti ili djelimično ne bude utrošen, Služba za privredu, urbanizam i zaštitu okoline Općine Kakanj može uz saglasnost Općinskog načelnika navedena neutrošena sredstva usmjeriti na realizaciju drugih podsticaja iz ovog Programa.

Služba za privredu, urbanizam i zaštitu okoline Općine Kakanj će na kraju budžetske godine sačiniti Izvještaj o realizaciji Programa utroška sredstava iz Budžeta Općine Kakanj za podsticaj razvoja, poduzetništva i obrta za 2019. godinu, te isti dostaviti Općinskom vijeću na razmatranje i usvajanje.

**PREDSJEDAVAJUĆI  
OPĆINSKOG VIJEĆA**

---

Slaven Katičić